

光緒重修安徽通志

重修安徽通志卷六十

輿地志

陵墓二

太平府

周楚王將墓在蕪湖縣東北九里赤鑄山

漢定遠侯班超妻鄧夫人墓在繁昌縣黑沙洲有碑

徐州牧陶謙墓在蕪湖縣丹陽鄉

蜀漢太守征西將軍毛瓌墓在當塗縣南七里尼山圩

徵士陶超墓在府治小朝山下有碑題漢陶徵君墓

吳景帝陵在當塗縣東洞陽山

交州刺史陶基墓在府治東橫山麓有宋淳祐年碑

偏將軍黃蓋墓在繁昌縣十八都有渡曰黃墓渡

晉刺史陶瑱墓在府治東六十五里

太守陶回墓在府治小朝山下

縣志與徵君起同域石獸華表尚存江南通志陶雍陶如海陶

道登墓俱在超域有碑題父子相繼爲忠孝之墓

吏部畢卓墓在府治南龍山

又見州府

大司馬桓溫墓在府城南十五里青山北

刺史楊亮墓在府城東十五里泊山南

江南通志亮楊震七世孫碑陰列故蜀將吏五

名百人

殷仲文墓在當塗縣南十五里

齊和帝陵在府城北三里黃山和帝諱寶融明帝第八子禪位於梁天監元年薨於姑孰追謚爲和帝世傳獄廟行宮卽其陵也

梁中散大夫陶景仁墓在當塗縣陶墓東七里

南海太守陶黔墓在府治東六里

上柱國陶融墓在府治東十里

唐翰林學士李白墓在府治青山西北麓道光五年當塗孝康

方正張瑞庚修附唐范傳正新遷墓碑略公名白字太白其先

王九代孫也父客不求祿仕夫人夢長庚而生白天寶初召見

於金鑾恩遇無比遂直翰林既而上疏請還舊山晚歲渡牛渚

磯至姑孰悅謝家青山有終焉之志盤桓利居竟卒於此傳正

早於人間得公遺篇遂句吟詠在口無何叨蒙恩獎兼問宣池

按圖得公之墳墓在當塗邑因令禁樵采簡灑掃訪公之子孫

欲申慰薦凡三四年乃獲孫女二人召至郡庭進退閒雅應對

詳訪祖德如在俯風宛然云先祖志在青山遺言宅兆頃屬多

故殯於龍山東麓地近而非本意墳高三尺日益摧圯力且不

及無如之何聞之惘然將遂其請因令當塗令請葛纘躬相地

形卜新宅於青山之陽以元和十二年正月二十三日遷神於

此遂公之志也西去舊墳六里南抵驛路三百步北倚謝公山

即青山也天寶十二載乾改名焉余作新墓銘刻二石一實

於泉局一表於道路呂星垣補撰墓碑蓋聞託高陽之苗裔屈

亦峴首漢川之義也

賈誼遭放顧不行而陟升皇之林戲生無故而慕真人之恬漠

逝千仞之翔鳳蟄九淵之神龍匪止聞世一出均值千載一麾

重修安徵通志卷六十真地志校墓

名高心窮才大難用兼擅楚漢逐臣適宵夜郎還客紫皆思君
不見其墓唐翰林供奉唐拾遺李公唐興聖皇帝涼山武昭王
是表其墓唐翰林供奉唐拾遺李公唐興聖皇帝涼山武昭王
王孫往雁志載江油生有徵祥護錫名字旦而王麟羅豁赤
據腹夕而金贊義相長與入懷瀝氣應平嶽秀異人感乎天
五歲誦六甲十齡通百家十五習擊劍號丹二十講丹邱白嶽
太守舉其有道謝高隱於岷山長史比之相如陸大名於益部
會讀子虛爲觀雲夢既周陪尾爰稅吉陽夫人許氏故宰相贈
幽州都督趙簡公之孫再傳諱欽寂欽明亦忠殉契丹突厥
高黃閣岳峻青城偉玉山於東牀啟瓊樓於西苑以窮遊落拓
稱貴介高華蜀客何來楚人相謂公乃望峴山西上荷苦尋羊
傳之碑指漢水東流荷荷引山公之杓非琴微蠟屐則桃岳讀
書公因遇倫超世夫人亦學道愛仙忘其相門化於道素匪懷
而安時止則止適來七澤倏去三霜公遂觀壯江河覽高岱嶽
任城俠客聲口觀五松徂徠酒徒號竹溪六逸時則孔巢父韓
準裴政張叔明陶沔從遊焉小魯之邦遊方之外昔於江陵見
司馬禎許伊神遊人極遂於會稽友吳貞節契彼元綱三篇俯
同天臺之詞相從風京之召仰朱霞卷舒天半疑星遊歲人
期願慕魯連高妙振其英聲亦援謝安樓遲起其高臥有太子
賓客賀公知章見公蜀道難古風鷲無凡語喚以詩仙聯玉驄
以徵文解金龜以換百期設廣安於秦庭琮璫出擅待榮高寧
於燕邸騁騁空羣乃爲日升扶桑始知天長陛下速趙佗慢漢
上鷹時鳥震之騰遂孔融薦衡列嚴象宏羊之奏方課黃門拼

字且咨宰相讀書朕與此遊有飄飄凌雲之意公昔何在傾
酒決河之才命翌日召使班朝授職掌制焉展一蒲筵粵若贊
客侍於衮席甯止據臺時內侍高力士右衛知內侍省事公
以虎韜賤其向監命孺子取履顧者夫結綬時外戚楊國忠
相視吏兵銓銜公付以松文資其膠彩俾尚書給札若主簿奉
書天子一如公言二臣俯為執役公耳聆宸告口代天言揮灑
豪練折衝壇席體則鸞鳳舞文則義畫堯章有格者遠遊帝
廷兩階是訓者近敵天山三箭宣讀而君臣盡歡輟朝則華
皆驚公顧受寵無驕遺榮作達卿筆金鑾殿上縱酒長安市
時則賀公外李璣李適之崔宗之蘇晉張旭焦遂從遊焉會
詞伯無雙進賦花王第一召從伏甕扶到臥鞍御手調羹內官
頻面坐奏天上曲伏稱酒中仙沈香亭北酌七寶頗黎之杯興
廢池邊變三序霓裳之瑀工升歌於白雪聖與點於春風由來
一人共事千古詎青蠅集此白鷗起難馴之思通黃鶴翻然
鷗鵲能言之感賤辦金門期凌五岳策辭玉署恣傲滄洲歷
并趙魏燕晉以往涉商洛淮西吳越而還賀蘭雄寨險窮西北
之奇慈竺幽棲勝探東南之美樹人相擬域中嶽瀆交盡一世
率倒屣飛鳧爭執鞭附驥攜玉樹人相擬域中嶽瀆交盡一世
老孰論英雄於曹劉考集中有歸山歸漢陽諸篇想行次多至
蜀至臨邛之駕昔嗟旋馬庭空今喜乘龍客返負弩郊迎宜借
臧於安陸較車谷隱竟與逝於匡廬蓋老子遺青牛之迹思乘
白鹿而從亦飛瓊慕步虛之聲約訪騰空以去於時賊氛北警
殺氣南行朝辭白帝擒孤鵠之南飛遠上青天驚六龍之西幸
拂三尺之雄劍思一擊於神鷹眇愁余今將騰駕也忽向芙蓉

壁下夜起雄旂驛往松雲巢閒宵杓杖舄昇從山閣脊上樓船
則列藩分龍虎之旗以勸王集鶴之艦非王郎詐稱漢宗異
盤勝能辭莽使往非三聘畱未一謀參輶鈴於伍被豈其倫歟
掌金鼓於陸機異其類矣方擬上水長驅迎乎西狩詎意中途
改轍累以南冠得陽寄內之吟何其悼也彭蠡衡思之什不亦
悲乎以郭子儀宋若思崔渙諸公內外交章奏請金雞雖放獸
錦未還豈公命不辰惜主知稍晚茂陵再訪宣室甯來迨團扇
花墩病謝拾遺之詔敕則草書劍舞死嗟三絕於詞詩非獨令
公永懷抑亦代宗長恨晚節飄蓬采石窮尚能狂吾宗作宰富
堇生乃如寄授代楊之緣細擬於風雅編銀囊之珠玉贊以春
秋委蛻寶應元年十一月乙酉日春秋六十四會傳下飛鳥於
掌上釣白龍於溪中決雲嶺表擊援躍之飛騰捉月波心握鯨
鬚而遐舉名齊仙聖應拍洪崖之肩貌若天人詎終兒女之手
厥後宣歙觀察使范君傳正憑軾訪叔敖之後下車求董相之
墳子伯禽卒貞元八載孫一人遊十二年不還見兩女孫失歸
農子一字剡勸一嫁陳雲請改葬以從志謝另適以矢喪進止
雅有儒風復其井稅流離傷夫祖德免彼田徭爰有富塗宰諸
葛君經素學公詩樂固使論由六十里遷神青山南抵驛路北
倚謝墩遂公志也集廿卷於宗族交遊副北斗南岷之仰刻二
石於泉肩通路慰漢川岷首之思用相存焉亦不朽矣或謂公
抵掌虛元高談黃老不知咳吐珠璣詎有土羹塵飯手披雲錦
白爾吸月餐霞始願從赤松子功成拂衣晚欲騎赤鯉魚身輕
脫屣或謂公志宗元古力掃齊梁迄進朝參亦姻宮體不知采
蕭采葛序思將相之篇有樞有榆釋惑君臣之什託哀怨於風

駭何傷忠厚將主文以譎諫非長浮華決蟾蜍之薄蝕文有賦
心指蠅蝻之罪敵詩兼史筆或謂公在野有褒姒之吟立朝無
宮庭之譁賦鳳吹駕歌遠如江總從青樓綠樹近類漢丹不知
曾將燕啄頻刺龍聲中以人言走於婦口或謂公既荷殊恩殘
從深殿宜乘密勿請斬祿山不知姚宋謝權既橫流於伏莽李
楊嗣智方速火於積薪機不密則失身柄倒持無援手亦於當
轍馬以折筆阻董偃於太廟甯挫其威斥彭祖於殿門莫傾厥
庇或謂公見永耶迴戈值水軍返旆如難苦口即可殺身不知
以而矣之爰益聽風鶴於隔江偽則惡脾洩保路之談詐亦疑
豆釜相煎之說未聞主謀曷使反正本無畏罪何得自戕此皆
在人意中何必非公度內儼謂樊英魏望殷浩虛聲雖有風流
骨無建樹爲論其大莫與京焉且夫決必叛之軋犖者曲江之
幾神活垂死之汾陽者太白之鉅手一則言駭臨危流涕而述
致祭一則功扶戰亂負心而使從征彼既昭昭此何憤憤僅使
曳微尙父從西市之非刑何從推轂將軍復東都之再覆屢紆
奏雪不盡推原力挽棟梁傾圯當祀郭宗事關毫髮存亡宜審
唐社請書於碑加百級之功烈或附於集增萬丈之光芒
公猶戀此和謝朕驚人之章吾欲從之申賈島結鄰之約

李瀉風墓在蕪湖縣

主簿賈島墓方輿勝覽在當塗縣西二里鄭谷詩五字與八韻

俱爲時所先幽魂應自慰李白墓相連

國朝道光中知府舒夢齡建亭墓前置祭祀

田畝

宋安撫使陳規墓在府治姑孰鄉青山北

編修李之儀墓在府治東北十五里藏雲山

忠烈侯孫德昭墓在當塗縣博望鄉丁葛村

承直郎孫應成墓在當塗縣甌山北

太守石禹勣墓在蕪湖縣丹陽鄉黃庭堅題墓

贈宣義郎石天麟墓在蕪湖縣丹陽鄉江南通志墓有米芾題石曰宋故死節之士蕪

湖石君墓

郭祥正墓在當塗縣南青山

焦蹈墓在繁昌縣西南三十里赤沙灘又見廬州府

太常丞石待問墓在蕪湖縣丹陽鄉黃庭堅題墓

參軍陶居仁墓在蕪湖縣東南二十里移風鄉死難後葬於

家

隱士韋許墓在蕪湖縣治前數十步

尚書徐陵墓在繁昌縣馬家沖

元張飛卿墓在當塗縣翠螺山麓名羽奉使至平江爲宋所害
後何瑋官太平路招魂而祭之有碑

完顏樞墓在當塗縣東南凌家山

十女墓在蕪湖縣東四十里德政鄉丁月娥率諸女死難合葬

一冢附元戴良記丁月娥者西域人也軍職馬祿丁之女蕪湖

小心敬順謹飭不忘其歸葛氏葛家之冢婦盧方掌內政月娥

事之如事姑待諸姊從女皆有恩慮大喜日率諸婦諸女請月

娥請曰某承姑緒言命主中饋佐烝嘗然懼無以爲於教倡敢

以諸婦諱女楊之姊惟朝夕諭誨必有濟於是關以內皆扶然

出於禮純然化於正上詔下唯號爲德門已而南北兵起盧謂

部有城郭可依兵衛可持仍屬月娥攜諸婦諸女至郡郡有儒

士張綱中者與焉有連遂儲其屋以居無何滿寇奄至城失守

月娥慨然曰吾嘗緩家女何忍見大家耶即抱所生女赴水死

重修安義直志卷六十 輿地志 陵墓 左 太平府

諸婦諸女咸惻然相顧曰母嘗導我以禮問我以正今臨難背
去尚得在世稱人乎自長及幼並婢媵凡九人皆爭相入水無
敢後者事稍定家人物色得其屍時大暑已七月月娥顏貌如
生而手所抱女猶森不可奪餘亦相挽屍水中久而泛見者
以爲異父老憐而語之曰十人死既同葬不宜異處遂
擇故居之南黃池里爲開大壙殮之題之爲十女墓

九女墩在府治小辰山下

當塗縣志相傳兵亂一門九女死節叢葬處

節度使徐用和墓在繁昌縣東石龍沖

侍郎侯祚墓在當塗縣龍山有碑

明孫富十墓在府治南周家山

江南通志孫以行軍參謀佐高帝取太平卒於軍賜葬於此

學士陶安墓在府治北五里神山

都御史端廷赦墓在府城東北八里張塘

知府許瑗墓在當塗縣凌歊臺下

縣志陳友諒陷太平瑗與花雲王鼎同被難郡民收遺骸

此葬

知府吳裕墓在當塗縣丹湖程村洪武間賜祭葬

都御史喻智墓在府治斗兒山

都御史倪嵩墓在府城東十里

大學士何如寵墓在府城東五十里歸善鄉

如寵相城人

都御史杜智墓在蕪湖縣赭山

副千戶萬通墓在蕪湖縣

尚書李貢墓在蕪湖縣南艾蒿山

諭德劉若宰墓在當塗縣北小瓶山

若宰懷甯人

貞女潘妙靜墓在當塗縣采石鎮

都御史嚴升墓在繁昌縣延載鄉

都御史吳琛墓在繁昌縣春穀鄉

都御史李慈墓在府治西馬鞍山

總兵官黃得功墓在蕪湖縣

重刊卷之十一
國朝大學士熊賜履墓在府治歸善鄉

尚書黃鉞墓在府治南楊山下胡家山夫人邵氏附奉旨諭葬

豫章烈婦墓在當塗縣采石鎮馬王廟側當塗縣志不詳其姓氏

沈氏三烈婦墓在蕪湖縣范羅山府志沈士柱妻方氏妻汪氏鮑氏夫死殉節施閔章為文誌其事

廬州府

周楚宛春墓在廬江縣東北按天下名勝志楚宛春墓在此即城濮之戰晉執之以怒楚師者

西楚范增墓在巢縣舊按後漢書居巢注引皇覽范增墓在巢縣郭東遺字記范增墓在巢縣古今葬地

記范增墓在巢縣郭東有亭亭中有井

虞姬墳相傳在巢縣舊按虞姬之死當在西楚霸王兵困垓下之時其地在鍾離距巢甚遠不知何以營

葬於此相傳已久今仍有疑

漢舞陽侯樊噲墓在府城西千字山舊按府志樊將軍墓在無為州南鄉樊家圩疑別一

人

顏藥侯劉信墓在舒城縣西北三十五里俗呼爲舒王冢

又見
陳州

廬江王墓在廬江縣東三十里梅山側

吳周瑜墓在廬江縣東十里安豐鄉

又見安
慶府

晉何晏墓墓宇記在廬江縣北七十里其墓高大景雲二年有
人發冢得甌銘知之

南唐狀元伍喬墓在廬江縣馬廠岡居民耕地得碑知之其父

墓在柴埠渡南岡附孫宏詰南唐儒者伍君墓考隋唐以前民

墓上於官官掌之法甚嚴也於是或遠遷而別始或同系而更

姓某遷自某某系自某歷傳可稽及其後諸局廢矣況於五代

用兵流徙喪亂之時乎又況於前賢之墓數百十年埋沒於荒

榛積楚夫孰有問其所縣來者乎余自領廬江治事之暇按故

志稽諸父老所傳知有吳周瑜墓爲賦小詩已而知有南唐儒

者伍喬墓喬之卒或曰署宣州幕府考滿遷考功郎卒於官或

曰黃巢亂與同鄉里張喬棲老九華或又曰江南國除歸隱九

華以終夫喬貴池人生唐懿宗末年少卽江詩聞杜牧赴闕賦

墓

卷之十

輿地志

陵墓

七

廬州府

一詩述南唐張洎為翰林學士又賦詩寄之計是時喬通判歙
 州富己年七十老矣自韓熙載主文以入卦賦齊後望鍾山詩
 試士喬呈卷稍後主司飲中選者升堂坐先宋貞觀繼以張洎
 先之又繼以喬先之榜出果喬第一洎第二貞觀第三與其坐
 之次無一差元宗命石勒喬賦於國門以為程蓋喬當食時學
 於廬山富一夕見人掌有讀易二字自牖隙入乃取易讀之探
 其微山之僧素不識喬也夢人指大星曰此伍喬星達旦訪得
 喬因資之勉為進取乃喬亦竟以此而行及博一第其遇晚矣
 今伍氏居廬江者是其後則廬江之有喬墓宜無忘乎其為貴
 池也明一統志廬池人物並載不分別其生卒馬令南唐書列
 喬儒者傳而但謂之廬江不明其所自始猶之南嶽志周瑒墓
 既載入廬江又載入安慶則所稱喬卒於官與隱於九華惡知
 其子孫託籍之後不遷喬葬於廬江而於墓相
 守也余故敢工鐫石以表焉其地今名馬殿岡

吳王楊行密墓在合肥縣有古墳石板上龍鳳相傳以為楊行
 密墓

宋太子少保馬亮墓在合肥縣西七里墓誌晏殊撰

侍郎包令儀墓在合肥縣東七里

參政包拯墓在府東十五里名勝志墓處有雙闕今名雙闕村

崇禎府志子縉以下皆附奉旨防護附宋林至包孝肅墓記至為

從事之三月始得再拜謁孝肅公墓下嗚呼虞厯嘉祐之閒
何其盛也仁宗皇帝以天地高厚之德平治天下而又延登者
雅容納忠諫維時孝肅公危言直論排斥權倖切劇治道而扶
持國本者親奏疏可考焉至其臨政明不可欺剛不可撓公不
可干以私今百餘年所在士民聞其風采猶知起敬起畏合肥
公之鄉里也中更兵火子孫流離故宅廢為民居獨廟祀存焉
今去城十五里所謂東村原者公之墓也去皇考侍郎公墓七
里每歲春秋教授縣令帥諸生往修歲祀然邱封半頽冢木翦
拔擔夫牧豎往來莫禁甚者至謁其墓田欲奪而有之嗚呼以
忠賢端士而報施乃爾豈天道耶或兵革之後未能遠復耶教
授丁君端祖縣令潘君友文相與鳩工斂材次第修治會部使
者王公補之來攝帥事即以聞公為之惻然不踰月斥公帑助
其役費練以周垣方一百五十五步苗剝棘蓬植松檜祭饗
有堂墓道有門碣墓記藏雖不復存立表署阡往來其下者皆
知為孝肅公之墓矧然加敬風動一鄉而又正其墓禁直其田
之訟歸之包氏使歲時奉烝嘗所以揭虔受靈者厚矣嗚呼仁
人君子固有不幸而不能保其後也世人不察猥以天道報施
於流風餘韻聞者為之興起孰使然哉扶持風化調護其子
孫此正吾人責也可捨此而謂天道是耶非耶公之元孫邦直
朝廷蓋官命之官今雖老不能仕而州縣之閒經紀其存歿者
可獨為包氏計耶風化所係多矣至於連帥之命告成於公墓

而且屬筆以記其事公之默德載在國史此不復論姑序其本末以爲後來勸

翰林學士劉筠墓在府東水西門外筠再知廣州營冢作棺自爲銘刻之

侍郎危某墓在府東北四里許舊按崇禎府志嘉靖中有鑿塋得墓石者以示諸生張善善視

之乃包孝肅所誤危君誌也江南通志不錄然其人得孝肅誌墓必端人正士名雖不可考應仍列之又相近有侍郎蔣君墓亦違其名

御史李公麟墓在舒城縣南五里

魏國公王之道墓在無爲州開城鄉相山

樞密使王簡墓在無爲州開城鄉軒車山

胡通判名無考墓在無爲州襄安鄉

侍郎賈易墓在無爲州西三里地名賈家灣附金明源重修賈

君墓記宋工部侍郎賈公名易字明叔諡文肅師程伊川稱入室弟子成進士歷官中外節概凜然具載宋史墓在州

北郭年代久遠幾莫知爲賈公墓也乙未秋吏目沈君以公事出見荆棘中有殘缺古碑其完好處字畫井然上鐫賈公遺像

名人詠歌係公九世孫孝恭於元至正年所勒距今四百餘載
矣亟謀整理州紳盧君聲聞慨然身任鳩工輦石重建崇坊外
氏官爵明若列星地當孔道過客停車皆肅然知為賈公墓也
向者邱壟既夷致多停柩積諸功令保墓云何今已特立墓門
有目共觀雖既往之不咎勿安土而重遷若復梗頑則
當依律治罪因綜其整理之類未備諸片石豎於墓所
僕射陸毋必墓在無為州開城鄉

御史秦中墓在無為州雙泉山

郎中雙漸墓在無為州西門外三里

狀元焦蹈墓在無為州西門外三里

名勝志宋狀元焦蹈墳在州西三十里蹈州人通經

史百家管四首鄉舉元豐八年禮部貢院火改期別試蹈為大

魁京師諺曰不因南省火安得狀元焦州志在西城外花墜今

居士章迪墓在無為州花家墢

舊按迪字吉老子濟孫權三世皆精素靈之學各誓願救三千

人米芾為讓墓表

方孝子

名無考

墓在無為州花林密

元丞相齊克讓墓在無為州北門外草市

學士

崇禎府志作編修

葛聞孫墓在合肥縣水西門外

墓表余闕議

禮部尚書袁壽欽墓在無為州北門外演武亭北

武毅將軍沙都刺墓在無為州城南風雨壇西

古烈女墓在合肥縣西門外一里許

舊按崇禎府志烈女未詳何代人不知何以列之元

明之開以烈女故不忍削仍錄於此蓋古亦氏也安知非即元明間人耶又與地紀勝合肥又有古仙女冢亦不著姓名

明追封黔國公吳復墓在合肥縣北鄉洪武中敕葬

學士劉三吾銘

追封漳國公鄭用墓在合肥縣東鄉武安侯鄭亨之父永樂中

敕葬

大學士楊榮銘

追封鄭國公宋某

名侯考

墓在府撮城鎮西甯侯宋晟之父宣德

中敕葬

大學士邱濬銘帥戰歿封西甯侯無贈父國公之事况朝用為洪武

時人似不應至宣德時始諭葬又邱瓊山為景泰進士至為大學士作銘又在數十年後姑存之以俟考

宋忠烈公瑄忠順公瑛墓在威武門外三里岡

追封平江侯陳聞墓在府城西大蜀山平江伯陳瑄之父永樂

中敕葬大學士楊士奇銘

追封蔡國公張某諡忠毅名侯考墓在合肥縣洪武中敕葬衍聖公孔希學銘

都督僉事瞿通墓在合肥縣土山洪武中敕葬成祖仆其碑舊按

都僉子能孫某俱以禦靖難師死白溝河之戰

指揮王瑛墓在合肥縣店埠鎮

尙書蔚綬墓在合肥縣時雍門尙書父可立墓在威武門外

都御史張淳墓在府南門外

知府孫鎮墓在合肥縣西南

侍郎陳植墓在廬江縣白石山奉旨防護

參政程楷墓在合肥縣西門外方家岡

順天府丞周璽墓在合肥縣西門外三里地名三里井

按傳入安慶府

尚寶卿蔡悉墓在合肥縣東八里岡

布政使寶子偁墓在合肥縣城西千字山

太常少卿朱來遠墓在廬江縣南沙湖山麓

御史盧謙墓在廬江縣東二十里

少詹事胡守恒墓在舒城縣南椒子沖

左御史祝富墓在舒城縣西南打石山後

侍郎鄭泰墓在舒城縣東三里

尚書鄭時墓在舒城縣東四里

尚書秦民悅墓在舒城縣金雞墩

侍郎吳光義墓在無爲州葛公山

參議吳廷翰墓在無爲州南轎子灣

尚書薛祥墓在無爲州西門外

尚書薛道墓在祥墓右

狀元邢寬墓在無爲州西三里

參政朱昂墓在無爲州南十里

參政李春墓在無爲州南十里

巡撫劉崙墓在無爲州南平頭松

通政朱萬春墓在巢縣城西先葬無爲州遷今處

光祿寺卿曹琬墓在巢縣牛角山

國朝大學士李天複

賜塋在合肥縣白衣巷

贈尚書龔孚肅墓在府城南桃花鎮

禮部尚書龔鼎孳墓在巢縣湖簪後

編修李孚青墓在合肥縣

教授田寶發墓在合肥縣

陝西提學副使許孫荃墓在合肥縣梅子山

鳳陽府

明肅皇帝后陵在鳳陽縣太平鄉

舊按明史山陵志洪武建元追上四世帝號皇考曰仁祖

清皇帝二年尊墓曰英陵在鳳陽之太平鄉舊議改葬不果因增上以培其封設皇陵衛并祠祭署奉祀一員祀丞三員俱勳舊世襲陵戶三千三百四十有二直宿灑掃禮生二十四人

夏皋陶墓據漢書廣覽在六安縣壽州

按六安州有皋陶墓近是

周甯戚墓在宿州西北甯山之陰

楚令尹孫叔敖墓在懷遠縣塗山

江南通志引魏書任城王傳任城王元澄除鄒野淮南誌

畢事揚州刺史鎮壽春下車封孫叔敖之墓

左史倚相墓在壽州南五里俗呼相王冢

晉獻公墓在定遠縣東七十里

定遠縣志云：晉獻公墓在縣東八十里，其東又有曠地，蓋按

晉獻公墓不應在此，蓋字記，似未可據，姑存以備考。

楚大夫子思墓在懷遠縣東山鄉

子思為楚造芍陂者，續漢書郡國志注：引皇覽：楚大夫

子思冢在當塗東四十里，漢地理志：九江郡當塗侯國，隋地理志：當塗開皇初改塗山，一統志：當塗故城在懷遠縣東南。

先賢宓子墓在壽州東南六十里，鐵佛岡墓前有祠，州志相傳

子賤為魯宰，使吳卒葬此

奉旨防護

先賢閔子墓相傳在宿州北七十里，閔子鄉，駕山之南，墓前有

祠奉旨防護

宋伯姬墓在宿州西北九十里，相城北

舊按：水經注：相縣故城，西有伯姬塚，州志明季

刺盜賊發墓者，屢矣，輒為雲霧所阻，至今巍然尚存。

趙將廉頗墓在壽州八公山下

舊按：史記：廉頗列傳：頗一為楚將，無功，卒葬於壽春。

莊子墓在故臨淮縣東，墓宇記：鍾離縣有莊子墓，在縣東二里

開元寺講堂後府志墓前有樓曰南華樓

楚項王墓在宿州甯字記項羽墓在蕪縣東七里

虞姬墓在定遠縣南六十里縣志今名嗟虞墩

漢少傅桓榮墓相傳在懷遠縣龍亢集北五里

又見含山舊按漢書本傳榮卒

市親自變服臨喪送葬賜家坐於首山之陽注首陽山在今歸師縣西北蓋榮故祐郡龍亢人今相傳之墓或其先世葬所

淮南王墓在壽州南門外

六安丞桓譚墓在宿州沛地

舊按漢書本傳譚沛國相人年七十餘出爲六安郡丞意忽忽不樂

道病卒後卽宗東巡至沛使使者祠譚冢鄉里以爲榮

伏波將軍馬援墓在宿州相城西石馬亭西見水經注

司空陳寵墓在宿州陽城故址南

吳魯肅墓在壽州東四十里聖福寺東北

後魏渦陽王墓在懷遠縣西北三十里古渦陽城西南

舊按後魏景明

中置潯陽郡後陷武定六年置潯陽縣屬南譙郡七年置譙州治潯陽城終魏齊之世未嘗以為藩封此墓無可考證

唐鄂國公尉遲敬德墓相傳在定遠縣石羊岡舊按唐書本傳敬德朔州善陽

人其卒也高宗詔京官五品以上赴弔給班劍羽葆鼓吹陪葬昭陵今石羊岡墓恐係流俗妄傳之誤

皮日休墓相傳在宿州順河集睢溪北岸題墓石門尙存

元通奉大夫張晉亨墓在宿州臨渙西道竹橋

駙馬牛勝墓在宿州乾山之陰州志勝入明自時卒葬此

明十王墓在鳳陽縣西北二十五里白塔舊按明史諸王傳熙祖二子長即仁祖次

為壽春王壽春四子長霍邱王次下蔡王次安豐王次蒙城王

霍邱一子寶應王安豐四子六安王來安王都梁王英山王緒

王表荆靖王祁錫次子見薄成化二年封都梁王此則一王非安豐王子也

四妃墓俱在白塔舊按明史洪武二年定從祀禮稱享祖廟東舊按明史洪武二年定從祀禮稱享祖廟東

蒙城王妃田皆配食而田妃早寡有節行太祖尤重之

遼世子墓在鳳陽縣東十里相傳世子朝南京道卒太祖命葬

於此

中山王徐達祖墓在鳳陽縣西南二十餘里

開平王常遇春祖墓在懷遠縣南四十里永平村

東甌王湯和祖墓在鳳陽縣西北三十里曹山

武定侯郭英祖墓在鳳陽縣東北

長興侯耿炳文祖墓在鳳陽縣西南

麗江王傅友德祖墓在宿州相城鄉天馬山西

墓碑學士劉三吾撰

梁國公趙德勝祖墓在鳳陽縣西道五十里

六安侯王志祖墓在鳳陽縣東南瞿相山下

鄧國公馮國用墓在定遠縣東宋府集

安國公曹良臣墓在壽州城南井亭鋪

大都督袁洪墓在壽州西南五十里

都督沈仁墓在定遠縣東南六十里

孝子許本忠墓在懷遠縣荆山南縣志子連孫襲世稱三孝子
孝子王殿墓在懷遠縣烏雲寺西

烈女孔氏墓在懷遠縣龍亢集有碑

駙馬都尉黃琛墓在十王墓南舊按琛武昌人尚蒙城王女慶陽公主屢從征伐

追封徐王馬公墓在宿州北閔子鄉王明高皇后之父也洪武
間立廟於瑩域之南置守冢九十三戶

鞏昌侯郭興墓在鳳陽縣南左甲第門外

江陰侯吳良墓在定遠縣東北四十里

西平侯沐英墓在定遠縣西南二十里

西南侯宋晟墓在定遠縣西南二十五里

尙書單安仁墓在鳳陽縣西北長淮衛

尙書郁新墓在故臨淮縣東古城

尙書顧佐墓在鳳陽縣朝陽門外

安平侯李遠墓在懷遠縣西山底村

都御史周銓墓在懷遠縣荆山南麓

尙書年富墓在懷遠縣北清溝旁

指揮常榮墓在懷遠縣賈村

東川侯胡海洋墓在定遠縣東南四十五里

崇信伯費獻墓在定遠縣北一里

都督李勝墓在定遠縣西三十里

都督趙青墓在定遠縣東四十五里

都督高智墓在定遠縣東六十里

都督朱崇墓在定遠縣西六十里

尙書苗衷墓在定遠縣西十里清澄灣西岡

北平布政使鐵鉉墓在定遠縣東北鐵家菜園

侍郎劉繼文墓在靈璧東關二佳山

御史戴昂墓在宿州西北相城鄉

國朝按察使凌燾墓在定遠縣東五十里

潁州府

商元王陵在亳州北

氏奉

自防護宋乾德四年詔自少昊

有司歲時祭祀按皇覽湯陵在亳縣東北郭去縣三里冢四方

各十步高七尺括地志又云雒陽偃師縣東有成湯冢近桐宮

孰是

周夷陵在府治東六十里

春秋左傳宣公十一年楚子歸伯陳侯盟於辰陵穀梁作夷陵方志家並

云周時列侯葬所按史記平原君虞卿列傳再戰而燒夷陵三

戰而辱王之先人蓋一事而析言之夷陵必楚陵也又趙世家

惠侯起壽陵秦本紀惠文王葬公陵悼武王葬永陵孝文王葬

重修安徽通志

卷六十

輿地志

陵墓

左

潁州府

非諸侯王所得而僭矣故冠之以周而次諸湯陵之後

齊相管夷吾墓在潁上縣北關大寺後

奉今名管子墩有碑明兵

倚楊芳立

楚縣公沈諸梁墓在府治沈邱廢城中

太子傅伍奢墓在亳州

舊按憲宇記伍奢冢在城父縣西南一里城父故城在亳州東南今名城父村

楚平王處太子建於城父伍奢傅之後無罪而死招魂以葬今有廟存又一在阜陽縣東二里

越大夫范蠡墓在渦陽縣東南范蠡村

奉旨防護

秦上卿甘羅墓在潁上縣潁河北岸

府志去縣三十里有碑明知縣何季立

漢山桑侯王常墓在蒙城縣檀城內

舊按後漢書本傳常潁川舞陽人其先塋在舞陽北

武六年令夫人迎常於舞陽歸家上冢常以十三年薨於故安豐縣葬於此時山桑縣屬汝南郡唐天寶元年始改稱蒙城

御史大夫倪寬墓在太和縣北六十里明知縣劉玠建祠於墓

傍祀之

彭邱在太和縣茨河北俗呼為彭祖墓

安豐侯寶融墓在霍邱縣西二十里陳家鋪

舊按融父墓在扶風平陵見後漢書

本傳謂有扶風修理融父墳塋祠以太牢融蓋別葬所封地今安豐故城在縣西南

太尉段熲墓在潁上縣西北五十里

府志江子口西岸封以鐵礦有碑題武威將軍段公

之墓俗呼鐵邱墓

議郎元賓墓在亳州有延熹二年殘碑姓名已闕所可見者字

元賓云云

幽州刺史朱龜墓在亳州城東

舊按水經注朱龜墓在亳城東潁水之曲有碑考隸釋漢故幽

州刺史朱羽之碑在亳州石有利落不能詳其官闕其可識者當以御史中丞掾捕益州蠻又為幽州刺史禦鮮卑靈帝光和

六年卒後漢書西南夷傳蜀郡都夷反執太守雍陟遣御史中丞朱龜討之正與墓文合

中常侍曹嵩墓在亳州城南

舊按水經注曹嵩家在譙城南家北有二石開高一丈六尺有延熹三年碑題漢

故中常侍長樂太僕特進費亭侯曹君之碑

潁川太守曹褒墓

長水校尉曹熾墓並在亳州城南

舊按水經注騰兒冢北有其元子熾冢

舊之世父三國魏志曹仁傳注所云仁大父褒潁州太守父熾侍中長水校尉者是也

魏隱士王昶墓在霍邱縣醉家岡

牟鄉侯許褚墓在亳州城南

晉譙王墓在亳州渦水南

舊按晉書諸王傳宣帝弟之子遜武帝受禪封於譙邑四千四百戶亮諡

剛王剛王子開王承承子烈王無忌無忌子敬王恬恬子忠王尚之尚之嗣子文思宋武專政國除此墓未知何王何諡也

平南長史畢卓墓在府治西二百十里

舊按晉書本傳卓新蔡人今河南亦有畢吏部

墓在開封府未知孰是

北魏孟表墓在蒙城縣茨河之南

宋太尉高瓊墓在蒙城縣西二十五里狼山

舊按宋史本傳瓊家世燕人父乾自

江左歸中朝給田毫州之蒙城因土著焉

太師高遵甫墓在蒙城縣北二十五里舊按遵甫太尉瓊孫英宗宣仁聖烈高皇后之父

尙書呂祉墓在霍邱縣東門外舊按府志居民掘地得墓誌知誌乃自誤明正德間掘土得之

元蔡國公張宏略墓在亳州東十里渦河南舊按州志宏略忠毅爲汝南忠武王柔第八子故俗稱張八字相墳有手書楚辭及唐人詩石刻在亳州城東北隅關帝廟中泰定元年忠毅子珪墓勒於石

平章貊高墓在太和縣東一里按高至正間平章政事相業甚著

明御史大夫安然墓在府治西關外洪武間諭葬

尙書李敏墓在府治西瓦店洪武間諭葬

光祿張泌墓在府治西楊橋集南永樂間諭葬

參政韓璽墓在府治東門外郝家窪大校場

參政府志作參議郭昇墓在府治東七里鋪

僉事李葵墓在府治東七里岡

僉事儲珊墓在府治西湖東南

推官盧翰墓在府治河北岸

御史張光祖墓在府治西七里河東岸

通判尙爵墓在府治西里許

給事王謨墓在府治甯陵河東南五里

布政使王之屏墓在府治東嶽廟東檀家湖東北

布政使王道增墓在府治東嶽廟東

同知白夏墓在府治東南陵口東白家屯

知府徐治民墓在府治東三里灣

布政使劉九光墓在府城東七里鋪

尙書張鶴鳴墓在府治西湖南

副使張鶴騰墓在府治西七里河東岸

布政使章順舉墓在潁上縣壘村

將軍李傑墓在霍邱縣西九十里

墓誌劉三吾

孝子徐汝楫墓在霍邱縣西二里

縣志作在縣南七里廟

烈婦吳氏墓在霍邱縣萬言妻吳氏妹松花合葬處今呼雙烈冢

郎中薛蕙墓在亳州城東南一里

墓誌唐順之撰外碑文徵明撰

布政使李國士墓在亳州城東南三里八角臺左

尙書王質墓在太和縣崇文門外

國朝考功郎劉體仁墓在府治東五里堡大路東

知州蘇灝墓在亳州西兩河口

州志灝宛平人守亳有惠政公後州人畱葬於此有公祀蘇公

碑文陶拭誤

滁州

漢顏羹侯墓在州境寰宇記在全椒縣城南故老相傳今無碑

石矣

又見唐
州府

阜陵王墓在全椒縣東十五里阜陵王光武子延也其冢高大
旁卽阜陵城

唐節度使劉鄴墓在來安縣西北三里白茆村

給事張原佖墓在州治仁義鄉蓼湖東

楊吳常州刺史張訓墓在州治東南二十五里

宋光祿卿張盥之墓

提點張次元墓並在州治昌城鄉安仁村

戶部侍郎張瓌墓在全椒縣善政鄉修仁里

贈少傅吳革墓在全椒縣南十五里

通判王彥成墓在全椒縣甫成岡南

孝子苟與齡母墓在來安縣北石固山宋史孝子廬墓時有芝
十九莖生墓前郡守言狀詔旌其門

明滁陽王郭子興墓在州治沙河上洪武三年追封置守冢
學士范常墓在州治烏衣河北

都督何文暉墓在州治沙河上

都督李茂墓在州治關山西北

贈少保于澤墓在州南孤山忠肅公謙之祖也

侍郎黃立恭墓在州治麻塘橋西南

侍郎劉清墓在州治北三里

尙書胡松墓在州治東四十五里

布政使孫存墓在州南輿衍塘

新甯伯譚忠墓在州東秦皇塘左

御史周冕墓在州東沙河沿

郎中楊于庭墓在州二郎口外里許

中書吳國鼎墓在州花山北小清流關

都御史金光辰墓在州花山羅家凹

祭酒樂韶鳳墓在全椒縣西沿村河

贈都督方信墓在全椒縣東北三十里叉揚嶺

都督平安墓在全椒縣高塘南二里

太醫院判魯文質墓在全椒縣西沿村河

南和侯方瑛墓在全椒縣西馬鞍山

全椒教諭吳穎墓在全椒縣南筆峯山

給諫戚賢墓在全椒縣東南二里

提學江以東墓在全椒縣西馬廐集

參議金九陞墓在全椒縣西北天同院東

贈給事中吳沛墓在全椒縣石獅子塘

都御史陳瑛墓在全椒縣東門外相傳太平橋旁有高隴卽其

墓云

舊志分注事近浮誕而文亦不與今刪

余將軍一元墓在滁州西三里明季賊逼滁經略盧公命一元致師期州守劉大鞏誤以爲偵探殺之州人禮葬於此

國朝郎中金拱敬墓在州重熙洞山

給諫吳國龍墓在全椒縣東北劍舞山

兵備道彭六翮墓在全椒縣南薰門外蝦蟆墩

鹽巡道王廷諍墓在全椒縣東五里

侍講郭肇鑽墓在全椒縣北

孝子王朝佐墓在全椒縣南赤石埠

和州

漢桓榮墓在含山縣南二十里龍亢寺側

按舊志云榮東漢人龍亢縣至晉始僑置

不應預葬於此必江左諸桓之墓而後人附會之不知龍亢寺云云乃後人之刻非漢文也

梁大司馬揚州牧王僧辯墓在州南六十里梁山之西廣教院

舊按梁書王神念傳神念太原祁人僧辯隨父南奔起家湘東王長史後為陳高祖戕於石頭相傳墓在此

宋侍郎彭思永墓在州治延慶寺西封樹如初

先儒游酢墓在含山縣北十三都車轅嶺

墓碑楊時撰

元總管韓擒虎墓在州治小西門外大岡上

擒虎為元抗明太祖招降不從太祖

義之特以禮葬州志列之明墓非是

明尚書班用吉墓在州治社稷壇東北有碑

襄城伯李潛墓在州治小西門外有石坊並碑

都督僉事陳亨墓在州治鳳皇山孔雀巷後

皖國公仇成墓在州治五都

侍郎馬諒墓在州治西北三里華表翁仲俱存

運使王璽墓在州北郭亭東北半里

知府萬慶墓在襄城伯墓旁

學士危素墓在含山縣新東門外

墓誌宋景濂撰

豐城侯李彬墓在含山縣南一都

廣德侯華高墓在含山縣七都

神道碑宋景濂撰

駙馬都尉王富墓在含山縣西城外

都督楊治

縣志作興

墓在含山縣東七都

都督紀清墓在含山縣東七都

都督楊文墓在含山縣東七都

縣志作西九都

知州張祐墓在含山縣東城外

國朝訓導劉芳遠墓在含山縣流塘堰

奉政大夫李衷燦墓在含山縣西

余烈婦墓在含山縣運漕鎮

鮑媼縣志作霜姑墓在含山縣黃泥岡

廣德州

唐陝東道行臺左僕射劉文靜墓相傳在州治北三十里唐興

寺側舊按唐書本傳文靜世居武功後以怨望誅京師未知何以葬此

宋提點吳應龍墓在建平縣南二十里吳村山

校詹郎章汝鈞墓在建平縣

丞相鄭清之墓在建平縣東北四十里

參軍趙時踐墓在建平縣溪岸宋季閩門死難

明軍師劉成墓在州西七里岡

江南通志成以戰死洪武間置守冢

修撰王叔英墓在州西祠山東麓建文時殉難

奉明周瑛記曰

去廣德城西五里許王修撰墓在焉修撰故台州人姓王氏名叔英字原采素有氣節仕建文朝為文字官未幾文皇帝南巡原采募丁壯廣德遂自經將死自為贊曰生已久矣未有補於當時死亦徒然庶無憾於後世又自為詩曰人生穹壤間忠孝貴克全嗟予事君父自省多過愆有志未及竟奇疾忽見纏肥甘空在案對之不能嚙意者造化神有命歸九泉當念夷與齊飢死首陽顛周粟豈不嘉所見良獨偏高跡選難繼偶爾無足傳千載史官筆慎勿網希賢尋有詔治姦黨其二女赴井死其妻繫獄死人為上其所賦詩上曰彼食其祿自盡其心耳乃置不問初原采將死以書抵祠山道士盛希年曰可葬我祠山之麓希年卒收葬之蓋原采希年同台州人故託以後事正統中少師楊公士奇始為題其墓曰嗚呼翰林修撰王君原采之墓烈女趙氏墓在州北七十里趙氏女未嫁聞夫死殉節遂合葬而題其墓曰雙玉

六安州

夏皋陶墓在州治東十里水經注六安縣都陂中有大冢民相

傳曰公琴者卽皋陶冢也楚人謂冢爲琴臺宇記縣北白沙城
上有皋陶廟東五里有皋陶冢

國朝同治七年署安徽巡撫吳坤修重修

漢衡山王劉賜墓在霍山縣西南一百里

九江王英布墓在英山縣東英山尖下碑塋尙存

國朝同治七年署安徽巡撫吳坤修重修

晉習鑿齒墓在州南雷峯巖

按晉書鑿齒襄陽人晚年以疾歸里朝廷欲徵使典國史會卒墓不

應在六安

唐沈佺期墓在英山縣北四十里

宋狀元焦煥墓在州西焦莊南

知六安軍程會墓在霍山縣西南一百五十里撞山下

奉

議按會字端中伊川先生長子也

旨防

元淮西總管潘通墓在州西望江灣南

學士熊德吹

縣志作德明

墓在霍山縣復覽山下

明御史潘岳墓在州西望江灣南

都御史汪霖墓在州南寶塔岡

光祿卿楊惇墓在州南陡步河

布政使潘楨墓在州西望江灣南

僉事潘鏗墓在州西望江灣南

參政彭辨之墓在州南陡步河

行人潘銳墓在州東南蔣家灣

參政潘子正墓在州東南蔣家灣

知府邱玳墓在州南七里井

都督僉事張澡墓在州南五十里高廟

副使徐必進墓在州西煙墩集

副使何慶元墓在州東郭外東禪堂前

贈太僕卿楊四知墓在州南聖人山

御史郝錦墓在州北清水湖

國朝編修徐致寬

縣志作致覺

墓在州西徐家集

知府駱士慎墓在州西五里龍王砦

泗州

明祖陵在州北三十里

周楚懷王墓在盱眙縣署廳事後遺蹟尙存

徐君墓在州北九十里安湖北岸

元和志在徐城縣北三十里卽吳季札挂劍處

漢武涉墓在盱眙城東十五里

史記淮陰侯傳註

後漢張劭墓在盱眙縣

輿地紀勝在城東二里范張村劭卽范式之友也

宋王彭父墓在盱眙縣北七十里

五代晉桑維翰墓在盱眙縣西招隱洞北

宋萊國公寇準墓在州西四十里俗呼爲青燉

舊按宋史公華州下邳人卒於

雷州既所詔許歸葬西京不知何以葬此

孝子朱壽昌墓在天長縣東四十五里舊勝因寺西南墓旁有

祠奉、祠昌防護

明楊縣志作楊王墓在盱眙縣西南牧羊山口

一統志明洪武十六年於墓傍立廟王姓

陳氏明太祖馬后所自出

衛國公鄧愈墓在故虹縣南二十里龍嶺溝

駙馬都尉隴西王李貞暨妻曹國長公主公葬之墓在盱眙縣

靈蹟鄉

公主太祖母女兄

駙馬都尉江清

新縣志作王七一又作王清

暨妻太原長公主合葬之墓在

盱眙縣太平鄉牧羊山西南

公主太
祖女兄

吳山墳在蓮塘

未詳何
時人

王烈愍公墓在義井

未詳何
時人

知縣何誠墓在故虹縣永濟門外

參政王梈墓在故虹縣東二十里

尙書陳翌墓在故虹縣東門外

尙書金純墓在州治應山集

尙書陳道墓在盱眙縣官莊西南

行人李紹賢墓在盱眙縣下龜山

奉
旨防護

僉事馮應京墓在盱眙縣靈山乳

僉事張昊墓在天長縣六里墩南

御史胡士奇墓在天長縣上白湖北

將軍沃田墓在天長縣東門外

孝子王枝墓在天長縣蛾眉灣

費聚墓在五河縣南六十里

御史丁甯墓在五河縣安定鄉

節婦胡氏墓在五河縣南七里黃棟莊

烈女孫氏墓在五河縣南安定鄉

國朝副使周永緒墓在盱眙縣東山

雙貞墓在盱眙縣東北慶仙門外何氏二烈女所葬

指揮施端教墓在盱眙縣施家窪

鄧孝子墓在盱眙縣慶先門外

孝子俞士瑄墓在天長縣司徒廟

昭武將軍楊捷墓在天長縣金家集

少傅王永吉墓在天長縣踰山

孝子繆士毅墓在天長縣龍中豐陽山

重修安徽通志卷六十一

河渠志

水有四瀆道安徽者三其他巨浸難以枚舉然則皖固澤國地也澤國之所聚實爲利藪而害亦因之故當夏秋汎漲之時江溢則安池太廬和之府州縣災河淮溢則鳳潁泗之府州縣災往往此息彼興若迭爲勝負考諸載籍自昔然矣

聖朝軫念民生凡所以興利而除害者靡不因時度地或導之以順其性或分之以弱其勢或棄地瀦蓄之以定其歸至不得已而隄之防之嘗歲費

帑金不遑愛惜則以通漕運之輓輸資農田之保衛欲與天下民萬世永賴不特於皖省然也而卽皖省可觀天下焉爰次江淮黃運及水利以著於編述河渠志

江

自岷山導江盤互六千里囊括眾流而下勢如建瓴至於漢自北入彭蠡自南入合岷江爲三江竝持東下經今江南之地以入於海正禹貢中江入海之故道江南通志

江水東北逕江西湖口縣北其北岸則宿松縣入安徽境去縣治百二十里

又東北逕江西彭澤縣北其北岸則望江縣去縣治三十里又東北逕

東流縣西去縣治一里其北岸則懷甯縣在南門外又東北逕貴池縣北

去縣治五里其北岸則桐城縣去縣治四十里又東北逕銅陵縣西去縣治五里

許又東北逕繁昌縣北去縣治十五里其西北岸則無爲州去縣治百一十

里又東逕蕪湖縣西去縣治七里又北逕當塗縣西去縣治十里其對岸

則和州去州治六十里又東北逕江蘇江甯縣西出安徽境至通海門入海此東

爲中江入於海之所經也禹貢錐指

大江北經馬當山北東流縣之西南境也西岸卽望江縣東南之雷口有水西北合太湖宿松二縣水東流注之又北至望江東境近西岸有洲東岸依山麓又東北爲香口河口又北經縣城西北又北西岸有漳湖溝口又北六十餘里折東北流經安慶府懷甯縣西南境數十里至縣南有長河西合潛山諸水來注之卽古皖水曰皖口東經府城東南又東北南岸池州府治貴池縣西境有張溪自南來注之又東北至樅陽鎮南有樅陽水西北自桐城縣合諸水來注之又東北數十里南岸有池河自南來注之卽貴池水也又東北至府城西北境有通濟河南自城東北來西北流注之又東北北岸有羅昌河自西北來注之又東南岸有梅根港口又東北經銅陵縣西南境有大通河南自青陽縣合數水來注之又東北經南岸山麓又東北經縣

城西有小水口中有洲又東經城北北岸有二小水口無爲州
南境也又東北南岸有小水口又東北北岸有泥汊鎮水口江
心有洲南岸有荻港口又東北經繁昌縣西北境北岸有柵港
汛口中有數洲又東北經北岸與龍鎮南南岸三山鎮北又東
北爲南岸蕪湖縣西南境之石碓河口北岸爲和州南境之裕
溪口又東北爲蕪湖縣西北之魯港口魯明江南匯旌德太平
石埭涇縣諸水東北流經宣城西北境曰清弋江折西北流經
蕪湖城南而西北注之又東北六十里至太平府治當塗縣西
南境之水陽江口水陽江卽姑孰溪南自甯國府北流至當塗
會廣德建平高淳諸水西北流注之南岸博望山與北岸和州
南之西梁山隔江相對亦曰天門山又東北北岸爲橫江口牛
沌河西北自巢湖來注之又東北經太平府城北之采石磯卽

古牛渚又東北經江甯驛西又北流經烏江鎮東板橋鎮西東岸有蔡淮支津口

齊召南水道攷綱

附載南江故道

江水自石城

今貴池

東出逕吳國南爲南江江水自石城東入爲

貴口東逕石城縣北東大谿谿水首受江北逕其縣故城東又

北入南江南江又東與貴長池水合水出縣南卽山北流爲貴

長池池又北注於南江南江又東逕宣城之臨城縣南

今青陽

又

東合注涇水南江又東與桐水合又東逕安吳縣

今涇縣

號曰安

吳溪又東旋谿水注之水出陵陽山下逕陵陽縣

今石埭

西爲旋

谿水谿水又北合東谿水水出南里山北逕其縣東桑欽曰淮

水出縣之東南北入大江其水又北歷蜀由山又北左合旋谿

北逕安吳縣東晉太康元年分宛陵立縣南有落星山山有懸

水五十餘丈下爲深潭潭水東北流左入旋谿而同注南江江之北卽宛陵縣界也

城今宣

南江又東逕甯國縣南又東逕故鄣

南德

安吉縣北

在浙江湖州府出安
徽境屬道元水經注

按隋唐後諸志無載及南江者近人因此詆孟堅道元之妄然北江漸威南江日微物莫能兩大自然之理也故道雖湮言非無據

大清一統志於池州府下載之今備引入以存故蹟

宋仁宗時江淮制置發運使周湛以大江歷舒州長風沙其地最險謂之石牌灣湛役三十萬工鑿河十里以避之人以爲利

宋史周
湛傳

慶歷中以采石磯立江流之衝水勢湍激大爲舟楫之害乃開河於磯後以達大江謂之采石新河

江南
通志

宣和六年前太平判官盧宗原言池州大江乃上流綱運所經其東岸有暗石多至二十餘處其西岸則沙洲廣二百餘里諺云折船灣言舟至此必毀折也今東岸有車軸河口沙地四百餘里若開通入杜鵑舟經平水徑池口可避二百里風濤折船之險請措置開修從之

宋史河渠志

乾道二年以和州守臣言開鑿姥下河東接大江防捍敵人檢制盜賊

宋史河渠志

舊志引宋史開寶間鑿橫江渠於歷陽按此爲漕運而設已詳運河此刪

明永樂二年五月工部言太平府當塗縣慈湖等處上通宣歙東抵丹陽湖西接蕪湖地多瀕江比雨水浸淫海潮漲溢決隄傷稼宜遣人相度修築上從之諭曰緣江低窪之處非止當塗

一縣霖潦傷稼必多宜遣官乘傳往視凡浙江江西湖廣安慶

蘇松等府遇湖泊窪下圩岸頽圯亟督有司修築

明太宗實錄

十一月直隸和州民言州銅城牆上抵巢湖下接揚子江圩岸

七十餘處爲江潮衝決壞禾稼乞修築從之

明太宗實錄

三年十月修無爲州周興等鄉及鷹揚鄉烏江屯緣江圩岸

明宗實錄

宗實錄

正統六年六月直隸當塗縣大信巡檢司前漕河南通大江舟

行避險者胥由此行後以江水泛漲沙土壅積不通有司請疏

濬從之

明英宗實錄

崇禎十三年兵科給事中宣國柱疏言安慶四五月間霍霖不

止江水暴漲濱江田禾俱成巨浸上命該撫按察奏

崇禎長編

國朝康熙八年無爲州知州顏堯揆築新壩舊時江流東注至鮑

魚口地勢最下自明以來州守築隄曰一壩二壩三壩四壩屢築屢圯州境民田漸次陸沈於江者四十餘里至是築新壩八百八十丈後大水破諸壩而境內圩田得完人名爲顏公壩廬州府志

府志

康熙五十年安徽巡撫梁世勳因安慶知府張楷詳請捐銀五千兩爲倡自懷甯之秧草溝起至齋墩橋止濬河六百餘丈先是江濤洶激舟艤危岸至是大利停泊商民德之名梁公河安慶府志

府志

五十五年巡撫李成龍因皖口東下七十里危磯十三潛伏波底舟觸輒覆捐金二千兩米七千石委知府張楷督募挑濬由懷甯之齋墩至桐城三墩出江開支河四十餘里盡避諸磯之險春夏水溢艤往來無阻安慶府志

乾隆五年奏准上江地方和州大洋河姥下河牛屯河含山縣

銅城插河來安縣龍尾壩河均令開堰疏濬會典

乾隆十六年江南總督尹繼善請於王家渡一帶月開新河一

道起劉家渡止張家灣袤四千一百九十四丈寬三十丈深一

丈四尺三寸上游襄安迤西之水匯馬家渡入此河至姚家溝

分二派一出泥汊一出飛雁投湖北繞州城出裕溪廬州府志附知

州范從徹開河築壩議略無為素稱澤國南臨大江惟賴一線

一郡盡為波臣而鄰屬俱成淵藪所以志稱為和含廬巢之咽

喉也從前江水順流隄外沙灘擁護可以志無恐自前明時漲發

新州橫互江心致江水折而北趨江北沙灘日被汕刷其間自

夾河梢至劉公廟計五十餘里當衝被溺嘉靖時州守鄭倬典

幫築長隄十數里以捍江潮尋圯入江萬曆十六年後州守陳

應龍築首壩孫慈築二壩陳明熙築三壩前後盡圯於江國

朝順治九年州守顏堯撰又築新壩即今五壩也自是以來歲

撥糧夫增添月隄壩日趨地日促康熙六十年州守韓繼先集

合州紳士議詳各憲按糧派夫自鮑家橋至文思菴修築壩隄

一千二百餘丈抵禦江水奈江南之洲灘日長江水北掃日甚

雍正開署州陳殿門州守翁是平俱經條議具詳卒不果行職
於前歲在任親履江干目覩一線長隄橫抵江流其最險者為
鮑魚口鮑家橋潘衙橋根勢成壁立隨集合紳耆酌議久長之
計屏棄一切沈船種洲上游支水之說蓋以江流衝激其勢甚
猛又俱沙土勢必隨支隨刷甚無益也今惟棄地讓水還河築
壩切近可行夫江日內侵斷須填抵河外無地必先遷河是河
也西南眾流及蘆邑黃白二湖之水經由以出不可一日阻遏
查王家渡大河內原有古河一道西起馬家橋東至灣河嘴計
長二十餘里此河一開大河可塞於是就塞河之地興築新隄
既禦鮑家橋之危急且包鮑魚口之險隄重圍疊堡可保無虞
但開濬古河不無少損田廬墳墓之處附近居民徂處堂之智
諒多嘆嘆顧成大利者不惜小害當俟臨期酌議周恤惟是築
壩開河工難茲與應分爲二年一年開濬一年建築庶幾次第
得宜河流通暢壩亦鞏固豈爲一州興安五邑俱沐無疆之福
矣

乾隆五十二年巡撫書麟因無爲新河偏近大江築壩無地疏

請開浚沈家塘至方家橋月河表五百九十四丈底寬十五丈

面寬三十丈中深一丈五尺導黃白二湖之水使荻港圩涸出

餘地爲立壩之基廬州府志附疏略安省沿江各屬圩田居多全賴
堤壩捍衛據署無爲知州陳聖

修稟稱該州沿江大壩荻港圩一帶近年江漲北趨偏近壩根
壩內卽係大河一道無餘地築壩應於大河之北起沈家塘止方
家橋開挖月河一身築斷岸乾填實壩基得八十餘丈挖廢田一
十餘頃將舊河身築斷岸乾填實壩基得八十餘丈挖廢田一
經久但民力拮据請援成案借項開挑等情當批飭藩司陳步
瀛親勘確估需土方工料銀三萬六千五百餘兩援照二十九
及三十五等年無爲借項築壩之案借給挑築分年徵還等情
詳請前來查無爲州江壩爲廬江巢縣和州含山等邑之保障
既因江流刷進內偏大河單隄一線應行開河讓地以培壩基
但該州連被災歉民力不支司庫現在社倉息穀變價銀兩原
係奏明開爲水利圩隄等項工程之用合無仰懇准無爲州借
銀三萬六千五百兩分作四年照糧攤徵還款則民力得以舒
徐壩基資以鞏固至該州舊壩仍令歲修保護其
挖廢田畝額糧查明照例詳請題豁合併陳明

乾隆五十八年三月十二日奉

上諭書麟奏查驗無爲州江壩情形酌籌辦理一摺並繪圖樣呈覽詳
閱圖內永成圩外卽係大河據書麟奏稱該壩兜灣處所尙露壩基
應行幫築寬厚等語該處河形兜灣永成圩壩工卽使加築寬厚亦
屬頂衝著重易至塌卸何不將河形開挖取直俾溜勢離壩稍遠不

至偏近壩根用資保護已於圖內用硃筆畫誌著書麟等察看情形將是否可行之處酌量辦理又馬頭埠地方現據書麟擬於該處開挖河口寬三十丈深一丈五尺會家壩至東圩厝所有舊河止寬六七丈及十三四丈不等今擬一律挑寬三十丈較舊展至一倍河流更爲暢順自應如此辦理至此項挑工係該州紳士爲保護田廬自行出資捐辦但向來地方官遇有挑河築壩工程動用官項尙不免任意浮冒從中侵蝕今此項工程係紳士捐辦不肖官吏更難保無藉端侵肥勒索等事若因有地方公事而官吏等轉得藉以飽其私囊是非以便民適以病民現雖據書麟奏稱俟工竣時親往查驗不知隄工河工一經放水卽難於勘實惟應於放水之前據實查勘尺寸不致作弊更當飭該府州於興工時往來稽察但該督駐劄江南旣不能常往查勘而僅委之府州稽察亦未必能認真辦理此事著

專交朱珪就近隨時親赴工所督率稽察毋任地方官吏胥役等藉端滋擾書麟仍於工竣時親往查驗以期一律穩固儻稽查不力官吏等稍有侵肥擾累等事一經查出惟朱珪是問必將該官吏等及該撫一併從重治罪將此各諭令知之將原圖發交閱看欽此 朱

珪覆奏疏略

臣於四月初四日前抵工所履勘查無為州南四

十里前臨大江沿江築壩綿互幾二百里壩內俱係圩田緣江漲而內河之水速遞東南惟永成圩處所一線單堤幾有江河北合流之患查張謝圩現修壩工亦長二百餘丈工程業有五分至永成圩現在幫築修補工亦及半惟是內河逼近壩根外勢頂衝內無餘地最為險要仰蒙我皇上鑒照如神殊筆畫誌將內河開挖取直俾濇勢離壩稍遠可以化險為易真切要之工不可緩者也臣遵卽面諭董事等於河身東北開引河一道迤長二百四十丈面寬三十丈深一丈五尺卽日起緊興工限一月開竣然後築閘河壩使河水由北東暢流而永成圩內河可以涸出餘地幫築裏壩以爲重門保障可免沖潰之虞矣再書麟所請由二沈家牯起至東圩插止開挖上河一道計長十六里六分此河開成則黃白二湖之水依王姥山麓而東約距江已遠數里輿情踊躍萬口皆符但工程較大雖係紳士保護田廬出資捐鋪若經理稍有不善則不肖官吏藉端侵肥無籍匪徒包攬勒索尤不可不嚴加防杜臣確

詢與論引河工竣已屆歲夏水漲農忙難以興工須俟秋收後
水勢既定卽行開挖趕於立春前竣事則事半功倍實爲合宜
隨公選殷實董事盧大鵬等分校承挑以專責成其餘各糧戶
通力出夫集事民力民辦地方官祇令彈壓催查概不攪越如
有官吏藉端滋擾臣卽據實嚴參毋稍假借查無爲知州蘇椿
現在丁憂臣遵有壽州知州趙霖結實勤幹清竝委署事諄飭實
力稽察分段樹椿明白出示務期諸弊肅清竝委廬州知府和
騰額及府州丞倅等分番催查臣於壩工引河將竣再親赴工
驗收其上游屆開工之期仍隨時往來督查俟工竣放水前咨
會臣書麟親往查驗其開河挑廢田畝糧額飭藩司周均查辦
外所有現在開挖引河及繪圖貼說恭呈 睿鑒又奏據
廬州知府和騰額署無爲州知州趙霖稟報上河工程於三月
二十六日全河一律完竣請驗前來又准督臣書麟劄會屬臣
先行驗收放水以便人夫歸農初四日抵工查驗逐加探量與
原奏丈尺俱屬相符隨飭將畧驗土埤及首尾攔壩起椿挑挖
臣親駐河岸日夜督催於初七日申刻開壩放水河壩暢順舟
楫通行該處距江較遠且北倚王姥山麓實可保護圩田一勞
永逸臣仍飭於舊河上下各築攔壩河壩一道使全河皆歸新
其永成各圩及臨河大壩飭令隨時保護務期一律穩固至董
事原任華州知州盧大鵬及蕭萬湖謝之芸謝裔龍孫純徐必
恒戴時敘凌鐸錢鼐蕭恆王白鍾十一人俱屬急公嚴事當卽
酌給扁額以示獎勵該府和騰額該署州趙霖與各委員等實
力稽查併無侵擾情弊與論帖然除挑廢田畝糧額飭藩司周
均查核題給外所有驗收上河工竣情形據實奏聞

乾隆五十九年總督書麟疏請無爲州民力民辦開浚上河起
二沈家牯至東圩牯表十六里六分面寬三十丈底寬十五丈
中深一丈四尺洩黃白二湖及州西南諸山水由飛雁投湖南
出泥汊北東出裕溪分達於江府志附疏略上年江水漲發潘
勢湍急秋汛水落汕刷底脚空虛致張謝圩永成圩一帶江灘
外陷二十餘丈塌及壩身經臣與撫臣飭令該州用料搜護併
將壩身幫培以資防守在案臣查該壩於乾隆十二年修築嗣
因江漲北趨偏近壩根壩內卽屬大河拉無餘地培築據該州
士民共籲開河讓地以作壩基經臣於安徽巡撫任內奏蒙
允准轉飭遵辦今越數年壩身塌卸若不於臨江設法保護殊
非經久之計隨檄葦蕩營參將田宏謨會同廬州知府和鵬額
確勘估辦據稟張謝圩以下壩裏現有五十三年所築七壩可
作重門保障永成圩壩外兜灣處所尚露壩基應行幫築寬厚
其壩後卽係大河係黃白二湖入江經由之道無地圈築至於
壩外水深五六丈十餘丈不等土係浮沙如做埽工勢將易陷
若照從前以石支水之法堆砌石塊以挑江潘或拋填碎石以
護壩根均恐不能存立實在難以施工茲據該州紳士呈請於
離壩四里迤北上河舊隄自二沈家牯起至東圩牯止開挑新
河以洩黃白二湖之水由飛雁投湖下注出裕溪口達江將舊
河攔截涸出則壩上距河較遠餘地甚多得以培築大壩等情

臣因該州江壩爲蘆江巢縣和州含山等邑之保障攸關緊要
於二月二十四日親赴無爲州沿江上下悉心相度該壩形如
壁立壩外水深五六丈至十餘丈不等永成圩外江內河僅存
一線單隄臨江既難施工壩後又無地幫築據該州紳士額請
開築上河讓出餘地培挑壩基以冀一勞永逸竝以此項工程
係保障民田蘆舍請卽按糧出夫通力合作次第興辦不敢請
項詞甚懇切臣與司道府公同商酌自應俯順輿情准其自行
興挑查上河身寬窄深淺不一力勝圩一段應於平地開挖總
以口寬三十丈底寬十五丈深一丈四尺爲度卽以挑河之土
幫築壩基並填實舊河更爲利便現飭藩司曉諭各紳士公舉
董事如式挑辦資成該府州往來稽查一俟工竣臣再親往查
驗仍飭將臨江大壩隨時保護併將永成圩新估土工卽令歲
修圩夫趕辦穩固以仰副
聖主奠安水土保衛民生至意

嘉慶十四年奉

上諭和州西北鄉之西九西十三四十五等都圩埠因上年夏間雨
水過多衝潰至一百餘丈急宜修築以資捍禦向來雖屬民修之工
但該處被災之後民力未免拮据著照所請賞借銀一千七百二十
六兩零卽於藩庫內動給所借銀兩著自十四年爲始分作四年攤

重修堤防通志卷六十一
徵歸款欽此

會典

道光四年巡撫陶澍疏請借帑修無爲州江壩併挑引河一道
三月二十六日奉

上諭陶澍奏江壩工程緊要援案借帑興修一摺皖省無爲州濱江臨湖地勢最低上年江壩被衝並下河水口淤塞以致州境均被淹浸自應趕緊興修俾資捍禦據該撫委員逐段勘丈估計分別修補加培並添築月壩挑挖引河共需土方銀四萬七千六百三十四兩零此項工程浩繁若責令民修誠恐力有未逮加恩著准其援照歷屆成案借項興修卽於前次奏明扣回報撥銀內飭司如數發給該州督令紳耆等分領作速興辦毋任稍有草率偷減所借銀兩著於該州通境民田項下分限六年照糧攤徵還款並免造冊報銷其河壩各工壓估挖廢田畝該撫於工竣時查明照例題豁以舒民力該部

知道欽此附疏略上年皖省沿江被水無為一州地勢最低被災尤

難支卽須借項興修情形附片陳明又請將工程專交新任知

州劉錫批知道了欽此茲據藩司徐承恩詳稱親抵該州督同

劉錫等逐一勘得無為州南臨大江地勢低窪所屬五百九

十餘圩全賴一線江隄爲之捍禦每遇江水盛漲時設有衝缺

不特該州全境受害卽毗連之廬江巢縣和州含山難免波及

兼以西北濱近巢湖及黃白二湖附城各水均由泥汊口東南

入江一經淤塞則內水停積而江水不無倒漾之虞上年江潮

異漲州境全淹數月始退皆因江壩被衝併下河水口淤塞以

致湖漫四潰白應趕緊興修查自青岡山三壩起至劉家渡欄

河止擇其卑矮殘缺間段修補加培其王家渡以下至張家灣

一帶江涵頂衝應內由陸家墩接楊灣長隄至太湖圩至界溝
止一律修殘補缺其工長八千六百二十丈內估修工長
碑止亦開段修補其計工長八千六百二十丈內估修工長
二千六百六十三丈又勘估修築古家壩蔣公隄張公隄古家
圩張謝圩楊青圩方家橋張家灣陳家圩永成圩六圩尾等處
各缺口共計工長三百九十三丈又勘估修築黃絲灘淺缺舊
圩並於頂衝處所添築月壩一道共計工長二千六百八十二
丈又勘估挑挖引河一道自下河口河堤起至姚家溝止共計
工長八百九十九丈總共需土方銀四萬七千六百三十四兩三
錢五分四釐查乾隆二十九年三十四年該州被水衝堤及五
十二年開河築壩均經奏請借項興修分年攤徵還款在案應

請援案借帑興修在該州通境民田項下分作六年照糧攤
議還款等語臣查該州田畝甚多工程緊要轉瞬春水發生攸
關民命業經藩司勘定擇要興修以資保衛所有估計土方銀兩
懇臣因爲時已迫仰體我皇上軫念民生之至意卽於前
次奏明扣留報發銀內飭司發給該州督令董事紳耆等作速
分領興修所借帑項應由該州通境民田項下分限六年照
糧攤徵歸款其河壩各工壓估挖廢田畝工校查明照例題豁
至此項借帑挑築江壩引河係民辦難徵還款竝請免其造冊報銷以省案牘

同治八年十二月巡撫英翰疏請皖省江隄被水衝潰籌款興

工並請截留京餉以濟要需奉

旨所有該省應辦九年京餉十五萬著准其截留撥用該部知道 附疏

略皖省向來修築江隄原分官工兩項官工則借帑興修
民隄係白行籌辦其民力未逮者仍借款接濟今兵燹之後
復遇災荒野無益藏流離滿道非但官修之工須籌動帑項卽
民修之工亦須酌量津貼臣飭司通盤核算非有鉅款三十餘
萬兩不能肅此要工皖省籌款之難久邀聖明洞鑒言
丁漕則被災州縣已請緩徵言釐金則西征各餉尙不暇給羅
掘已窮補苴無策要工既勢難暫緩款項又無可騰挪目擊艱
虞五中焦灼臣現督飭藩司於無可籌畫之中移緩就急盡力

擲湊僅籌出五六萬兩加以前次馬新貽允撥之四萬兩能否
湊足十萬兩尙未敢定此外尙短鉅款二十餘萬兩實屬籌無
可籌伏念聖主垂厯災區於湖北湖南等省懇請雷撥
京餉修理隄工皆邀命惟有不揣冒昧仰懇
昔年皖民待救之殷實尤甚於他省值此萬分急迫之時不敢
不爲民請
雷同治九年京餉十五萬兩修理江隄俾得以工代賑迅速告
竣數十萬災黎早登衽席感激
再有不敷之款應卽於捐輸軍餉銀兩
項下籌撥以期移緩就急早日蕆事

重修安徽通志卷六十二

河渠志

淮

淮水出南陽平氏縣胎簪山

過桐柏山義陽平春安陽新息諸縣及浮光山淮陰亭白城長陵期

思諸縣納油水大水水海口水壑

東過原鹿縣南原鹿故城在今潁州自此

入安汝水從西北來注之又東過廬江安豐縣東

安豐故城在今霍邱城決

水從北注之

鄧注決水自舒蓼北注不從北來

又東谷水入焉

至汝陰城入淮城在今潁州治

又東北左會潤水

北注不從北來

又東北窮水入焉

出安豐窮谷又東

北至九江壽春縣西

今壽州

泚水洪水合北注之又東潁水從西

北來流注之又東流與潁口會東南逕蒼陵北又東北流逕壽

春縣故城西又北左合椒水

一謂之清水

又東過壽春縣北肥水從

縣東北流注之又北逕山硤中謂之硤石

在壽州西北夾淮為險

又北逕

莫邪山

山在鳳陽縣西南

又東過當塗縣北

當塗故城在今懷遠縣

過水從西北

來注之又東北濠水注之

水在今懷遠縣南謂之西濠

又北沙水注之又東

過鍾離縣北

鍾離故城在臨淮

又東逕夏邱縣南

在今五河縣東

又東逕浮山

山在今盱眙縣西

又東逕徐縣南

徐縣故城在今泗州西北

歷澗水注之又東池水

注之

水出東城縣在今定遠境

又東蘄水注之

蘄縣今懷遠地

又東歷客山逕盱眙

縣故城西

自此出安徽境至下邳淮陰納泗水瀆水及兩小水

又東至廣陵淮浦縣

入於海

經水

以今輿地言之淮水東北逕固始縣北又東北逕潁州南

去潁治一

百十里又東十餘里合汝水

又東逕霍邱縣北

去縣治四十五里

又東逕潁上縣南

去縣治二十五里潁水在南門外亦曰沙河東南流至正陽鎮入淮謂之潁口

又東逕壽州西

北去州治六十里江南通志作壽州西增鳳臺縣北四字

又東逕懷遠縣南

流逕城東稍折而北渦水注之謂又東逕鳳陽縣北

去縣治十

又東逕故臨淮縣北又東北

逕五河縣南

去縣治一里有滄沱淵

又東逕泗州南

去州治一里

盱眙縣北

去縣治二里

又東北逕清河縣南與泗水合謂之清口

出

微境至安東縣入海

此導淮會泗沂東入海之故道也

禹貢錐指

淮水入海之道自禹迄今未改其不同者大河南徙淮水受泗

而東其故道悉爲河所奪也

江南通志

淮挾七十二山河之水匯歸洪澤湖每年夏秋上游水勢驟漲

自數尺至丈餘不等

泗州志

泗州與盱眙兩城相距凡七里自昔爲淮流襟帶之處汴水自

河南界流經州城東合淮謂之汴口宋時以此爲漕運要衝今

惟涓流可辨耳由州城而東三十里龜山峙焉淮流至此益折

而北又二十餘里而洪澤富陵泥墩萬家等湖環匯於淮之東

岸淮水泛溢恆在此州偏淮而地下故也

川廣異同

海門深通則黃流自駛清口大闢則淮漲自平

河防志

或曰高堰之築淮陽甚便而泗人苦其停蓄淮水何也潘季馴曰此非知水者之言也戊寅夏詢之泗人曰鳳泗之水蓄於高堰未決之前乎抑既決之後也僉曰高堰決而後蓄也清口塞於高堰未決之前乎抑既決之後也僉曰高堰決而後塞也堰決而塞築則必通堰決而蓄築則必達堰成而清口自利清口利而鳳泗水下銳意董諸臣築之二月決口告竣而清口遂開七月隄工告成清口深闊如故

河防一覽

梁堰肥水以灌壽陽踰年堰成軍人列居其上或曰四瀆天所以節宣其氣不可久塞既而堰壞殺數萬人

北史

宋景祐三年泗州作外隄以備淮水高三丈三尺自是水患少

弭

禹貢
錐指

熙甯四年十一月開洪澤湖達於淮

宋史神宗紀

元豐四年命發運副使皮公弼修泗州洪澤湖

玉海

是年蘇軾以龍圖學士出知潁州先是開封諸縣多水患吏不究本末決其陂澤注之惠民河河不能勝致陳亦多水又將鑿鄧艾溝與潁河竝且鑿黃堆欲注之於淮軾始至潁遣吏以水平準之淮之漲水高於新溝幾一丈若鑿黃堆淮水順流潁地爲患軾言於朝從之

宋史蘇軾傳

六年發運副使蔣之奇言上有清汴下有洪澤而風浪之險不止百里邇歲溺公私之載不可計宜自龜山蛇浦下屬洪澤鑿左肋爲複河取淮爲源不置堰牘可免風濤覆溺之患帝遣都水監丞陳祐甫經度祐甫言往年淮陰至洪澤開新河獨洪澤以上未克興役今不用牘蓄水惟隨淮面高下開深河底引淮

通流形勢爲便但工費浩大帝曰費雖大利亦溥矣祐甫曰異
時淮終歲失百七十艘若捐數年所損之費足濟此役帝曰捐
費尙小如人命何乃調夫十萬開治旣成命之奇撰記刻石龜
山後至建中靖國初之奇同知樞密院奏淮水浸淫衝刷隄岸
漸成墊使請下發運司及時修築自是歲以爲常

宋史河渠志

明洪武八年九月上閱輿地書得濠梁古蹟一卷命內臣馳驛
以賜東宮且令朱濂詢訪濂曰臨濠古蹟惟塗荆二山最著塗
山在昔鍾離縣西九十五里荆山亦在縣西八十三里二山本
相聯屬而淮水繞荆山之陰神禹鑿之水始流二山閒民免修
阻之難禹之功也

明太祖實錄

永樂七年淮決壽州泛中都

明史稿河渠志

宣德七年壽州衛奏城西湖與淮通比雨潦暴漲壞城

明宣宗實錄

正統元年壽春衛奏淮水泛漲壞城三年鳳陽府泗州等處奏

淮水漲漫沙淤地畝不能布種

明英宗實錄

天順四年鳳陽府淮水溢決壩埧敗城垣沒軍民田廬甚多命巡按御史中都甯守各遣官加意存卹衝決城壩逐漸築之七年修鳳陽衛土城及護城隄以淮水衝決故也

明英宗實錄

正德十二年決漕隄灌泗州初淮自安東雲梯關入海無旁溢迨與黃會黃水勢威奪淮入海之路淮不能敵往往避而東陳瑄鑿清江浦因築高家堰舊隄以障之淮揚恃以無恐而鳳泗

閒數爲害

明史稿河渠志新増

嘉靖十四年總河都御史劉天和言泗州祖陵地南有溪自北流入沙湖西有陡湖水亦匯於此沙湖南爲淮湖自西而來東有汴池自東北來塔影蘆湖龜山韓家村諸湖及岡後沱溝之

水皆入焉西面溪水入金水河自陵前東流亦入汴水大則眾流混一從東南奔注於淮水小則匯瀦於陵東南四時不涸惟夏秋淮水盛發則西由黃岡口東由直河口瀾漫漫灌與諸湖水合淹及岡足欲東自直河山西自黃岡口五十餘里築隄圍繞可障淮河泛漲從之

明史稿河渠志新増

二十九年四月總督漕運龔輝巡按御史史載德各奏泗州逼近淮河地勢低下今黃河水決入淮下流壅塞其勢必且上溢乞亟開直河口以通下流築二陳莊劉家溝二口以防衝決工

部議覆報可

明世宗實錄

萬厯八年雨潦淮薄泗城御史陳用賓以聞給事中王道成疏言黃河未漲淮泗之間霖雨偶集而清河口已不容洩萬一震驚陵寢誠非細故宜令河臣設法疏導堵塞之總河潘季馴謂

黃淮合流東注甚迅駛泗州岡阜盤旋雨潦不及宣洩因此漲
溢欲疏浚則下流已深工無可施欲堵塞則上流不可逆堵乃
令季馴相度卒聽之而已

明史稿
河渠志

十六年總督河道潘季馴條奏淮水至泗州基運山橫截河中
涌漲時作恃石隄爲捍禦而石內之土多係浮沙一遇霖雨輒
至坍塌土既圯矣石將安附宜覓取真土幫築完固以捍洶涌
命依擬行

明神宗
實錄

十八年潘季馴以增修泗州石隄經用不足工部議給淮安庫
貯停漕草灣銀兩

明神宗
實錄

十九年三月築泗州一帶護城石隄九月泗州水患異常公署
州治水滄三尺城內原有水關後因淮水高於城濠故塞水關
以防內灌至城內積水不洩居民十九淹沒工部尙書曾同享

上其事上令河漕督撫會同巡按御史勘議要見泗城積水何以宣洩淮水停漲何以疏通填土增高有無可以捍禦周家橋是否應濬施家橋是否可開張福隄是否阻礙或別有可開之處爲地方之利者具奏以聞

明神宗實錄

總督河道潘季馴上言水

性不可拂河防不可弛地形不可彊治理不可鑿人欲棄舊以爲新而臣謂故道必不可失人欲支分以殺勢而臣謂濁流必不可分霖淫水漲久當自消

明紀事本末

二十年正月泗州水患疏洩之議父老有謂由傅甯湖開至六合入江者有謂濬施家溝周家橋入高寶諸湖者有謂弛張福隄以廣洩淮之口者又有謂開壽州瓦埠河以分上流之水者總督漕運巡撫鳳陽周宗陳于陞巡按御史高舉合疏以聞工部覆請沿行河漕撫按勘議河道都御史潘季馴謂祖陵切近

王氣攸關與三臣議左俱下工部尙書會同亨以爲河臣閱歷多年宜悉河事而撫按二臣又謂周家橋在祖陵後百里之外主於疏濬先年緊急河工例遣科臣往勘況泗州水患旣關陵寢又關運道宜命科臣往會河漕撫按官從長計畫從之遣工科給事中張貞觀往勘泗州水患開浚工程四月貞觀回奏今欲洩淮當以關海口積沙爲第一義然洩淮不若殺黃而殺黃於淮流之旣合不若殺於未合但殺於旣合者與運無防殺於未合者與運稍礙至於廣入海之塗則治鮑家口王家營至魚溝金城一帶地勢頗下因而利導之似當并議工部覆稱科臣親歷地方擬議詳確皆前諸臣所未及者惟黃河殺於未合於連道仍須計處若挑浚淮口停沙及利導鮑家口一帶當卽如議其移州治開周家橋瓦埠河旣稱不便卽應停止從之

明神宗實

錄

二十四年工部尙書楊一魁條議分黃導淮事宜請裁新隄以免壅潰修祖陵以培國脈闢清口以導淮流浚海口以免內漲又請以鳳陽府同知兼管淮河泗州同知盱眙縣丞加管河名色專屬南河分司

明神宗實錄

二十五年臨淮知縣陳民性建議會同指揮趙允昌請於淮濱一帶創石隄以捍淮水二十七年隄成東西三百一十餘丈互如長虹全城賴以無恙

鳳陽府志

是年淮水大漲總河楊方興建牐

以洩一時暴流稍平

卽閉揚州府志

崇禎十五年八月泗州水患已及陵牆詔所司保護

崇禎長編

國朝康熙三十五年總河王新命疏言禹王古河自盱眙聖人山歷天長六合各有河形溪澗山岡不等若開引入江則天長楊

村銅城各汊澗大水發時可不入高郵邵伯諸湖湖水不致泛
溢而下河之水可減至古河之口與淮水不相通流必建立牐
座水小則閉牐以濟漕水漲則開牐以洩水庶淮水洶涌之勢
可殺九卿詹事科道會議得開復禹王古河之處毋庸議
按小谷口舊葺禹王河卽蔣之奇所開龜山運河土人訛爲
禹王河其說起於董安國誤聽泗州莫之翰之言遽行入告
捕風捉影不足據也

四十年五月二十一日大學士伊桑阿馬奇王熙吳璥熊賜履
張英學士法良辛保傅紳范承烈王九齡曹鑑倫奉

上諭高承爵奏報泗州盱眙地方水災著總河張鵬翮會同兩江總督
阿山親行察勘具奏前高家堰閉塞六壩時朕謂六壩塞完後泗州
盱眙等處必被水淹曾向九卿降有諭旨今六壩方經閉完洪澤湖

水長泛溢泗州盱眙等處城郭田畝果被水災高家堰隄益覺危險
朕為此時慮於懷且天災靡定萬一有異常風暴及地動雷震之事
亦未可知儻若高家堰至於危險則揚州淮安等處皆被災矣朕為
此日夜甚切憂懼高家堰隄作何保守堅固或另有修治善策著張
鵬翮陳奏著差爾衙門中書一員前往

旨到臣跪誦之下仰見我

皇上軫念民生注意河工

洞照於未然之前應驗於已然之後臣查泗州水災自古已然
康熙三十八年李柄題報水災揭云泗居山河聚匯之區連年
積水為殃災困頻仍則泗州水災不全係六壩之閉也且觀形
勢盱眙在山之腰泗州在山之下淮水繞泗州而流三十里有
龜山屹立河中又十五里流過老子山出洪澤湖乃江洋暢沛
一遇水發奔濤遇鬱水流不及勢必助長又有歸仁隄諸湖之
水奔沮而下入於泗州此其所以多水災也桃汛水長淹沒職
此之故今四五兩月清口水流甚暢洪澤湖水漸消泗州水亦
漸消且六壩既閉之後水不東注高寶興秦等州縣人居平土
田可耕種感頌皇仁歡聲如雷且漕艘運河揚州進平土
於四月十二日盡數過淮較往年甚速此皆由六壩之閉也今
傳聚眾河官講求善策咸稱清口暢流自黃流過惠濟祠達大
茭陵一帶皆係清水今五月已過湖水較桃汛時消落二尺餘

隄岸平穩此清口引動湖水大漲之所致也若做古制於翟家壩建壩以資宣洩但石工不能即成不若馬家港口門仍雷不堵以分洩黃河之水辛家溝修葺水壩以洩黃河異漲之水下流益暢則淮水之出清口亦暢淮水之出清口既暢則泗州之淮流不壅況馬家港在雲梯關之下辛家溝在大通口之下皆地處海套並無民田不關運道且欽奉上諭開歸仁隄引湖水出黃則泗州上源之水又無所入上無所入下有所疏將來泗州水患庶幾可減等語眾河官之議與臣相同但一得之愚未知當否伏

候

聖裁

九卿詹事科道會議具題奉

上諭這隄岸修築防護著照議行前總河王成龍具疏欲將高堰六壩堵塞蓄湖水以敵黃水疏通清口九卿覆奏時朕以爲高堰六壩若行堵塞湖水泛漲泗州等州縣必被水淹沒曾諭九卿速遣范承勳等堵塞六壩此非張鵬翮到任之後始行堵塞頃因巡撫高承爵題報泗州盱眙水災朕敕張鵬翮會同江南總督阿山路勘情形將泗州盱眙泛溢之水設法修治作何賑濟蠲租令其奏聞又以洪澤湖

水泛漲高家堰隄工以致危險朕於此事時切躊躇若高家堰至於危險揚州淮安等處州縣皆被淹沒朕爲此日夜殊切憂懼高家堰隄作何保守堅固更有何修治善策著張鵬翮陳奏會遣人敕諭張鵬翮稱病未往泗州盱眙今具疏稱泗州盱眙水災自古已然卽六壩全開泗州亦被水災臣往泗州查勘水勢情形詢據土人云明季時有水災則泗州之水不係六壩之閉按泗州志載宋臣歐陽修先春亭記云民所素病而治其尤暴者莫大於淮則知淮之爲暴於泗自古而已然矣今清口水流甚暢洪澤湖水漸消泗州水勢亦漸消且六壩旣閉之後水不東流高郵寶應興化泰州山陽鹽城江都等州縣田地涸出民得耕種皆河伯效靈之所致等語朕著張鵬翮會同阿山將泗州盱眙泛漲之水作何設法築隄幫修或賑或蠲俱有益於災黎並非欲開高堰六壩救泗州盱眙之民而令淮揚百姓罹

於水患也朕念黃河運河關係國計民生三次看閱河工屢行簡任河臣修築隄岸每歲不惜數百萬帑金解發夏月雨水時晝夜憂慮不時遣人看視凡被水災截畱漕米盡出倉糧賑濟者總爲賑救災民竝非賑救泗州盱眙百姓之災而淮安揚州等處百姓聽其罹災之意也據張鵬翮謂泗州盱眙水災自古已然而淮揚水災亦素有也張鵬翮奏稱六壩旣閉淮安揚州百姓俱免水災是但知淮揚地方豈獨不知有泗州盱眙天下之大亦竝不知其爲愚昧已至於極朕念四海一家凡有來朝見者必細詢雨澤田禾現有居住賀蘭山後公允木春來見問陝省河西田禾雨澤黃河水勢據公允春奏稱今歲自正月至六月滴雨未降黃河水消二丈有餘西地賴黃河水引入田畝耕種今年因黃河水小不但田禾卽莖草亦未生發朕以陝省河西百姓作何拯救雖督撫未經具題已晝夜籌度張鵬翮與

眾河官乃謂清河水出皆賴河伯效靈伊等效力所致此實因黃河水小清口之水幸而得出竝非伊等效力之所致也統一天下之主坐視災黎不爲拯救張鵬翮既係讀書之人此果載之何記何書耶至張鵬翮題請議敘河員疏內明知朕有諭旨故稱九卿未晰今覽此奏又含怒具題意謂必有人阻撓果如此懸擬昏憤之極未有如張鵬翮者這事情又似鹽犯大賊孔文泰之案希圖好勝冒昧不顧將取罪戾著將朕諭旨及張鵬翮所奏一併刊刻於淮安揚州泗州盱眙等處徧行張挂命眾人觀看天下之人自有公論

張鵬翮治河書

四十四年十月初四日

上諭工部方今海宇昇平惟以安阜黎元爲急東南要務莫重於河朕數經南巡指示修築方略凡以籌運道濟民生也自曩歲兩河衝決而黃流淤墊繼以高堰唐埠壩久決未塞而洪澤湖水直從決口旁

洩以致淮水力弱黃水倒灌全河幾至潰壞於是分遣廷臣發帑金數百萬增築高堰盡閉六壩俾淮水全注清口又特築挑水壩以偪黃酒趨向北岸仍開濬陶莊引河以導黃北流然後黃水無倒灌之患四十二年以河工漸可底績躬親臨視時高堰石工尙多未竣飭令迅速修築又因仲莊牘水勢湍急恐偪黃流倒浸清口遂命閉仲莊牘改建楊家莊牘工既成今年春復往巡閱北至高堰見石工仍未完固舊埽亦多朽塌諄諭河臣張鵬翮謂水勢無常修防宜豫一有疏忽則前工盡壞且甫奏安瀾旋報衝決天下其謂之何張鵬翮猶稱奏隄工捍禦可以無虞迨伏汛大水驟發果衝決古溝唐埠清水溝等處淮揚一路田畝被淹者甚眾今已嚴飭堵塞決口刻期竣工朕屢親蒞河干詳度形勢當水漲之時若高堰及運河減水壩不令開放則隄堰甚爲危險若開壩宣洩則閭閻隴畝必致淹傷方

春水涸民閒盡皆播種一經夏水驟漲開壩放流而所播之種悉被淹沒朕心惻然殊爲不忍使不設法導流俾水有所收束則瀕湖及下河民田究不免於水患朕再三籌畫宜於高堰三壩之下挑濬一河兩旁築隄束水入高郵邵伯諸湖湖外亦量築土隄不使漫溢其高郵減水壩下亦挑濬一河兩旁築隄束水由串場河入白駒丁溪草堰等河白駒等河淤淺之處竝開濬深通俾之入海如此則各壩所出之水不致有渙散衝流之害又洪澤湖水勢大漲泗州盱眙等州縣俱被水災應於泗州一帶受水之地亦酌量築隄收束毋令泛溢則所全於淮安揚州鳳陽三郡民生者多矣此事原於河道無涉在河官止知保護河道不復詳計民生朕惟民閒田畝所係甚重宜圖萬全可久之策築隄束水行之北河業有成效則施之南河當亦有濟應從何地築隄延袤若干里需費幾何行令江南總督總漕總

河江蘇巡撫會同確勘詳議具奏爾部卽遵諭行特諭

行水金鑑

四十五年原任大理通判徐光啟條陳泗州境內涵淮套爲洪澤湖上游議於涵淮套穿湯家岡挑河築隄引淮水經金華寺許家岡曹家廟盧家集馬廠下張福口直出清口分水勢以達黃河一則河南一帶船隻無洪澤之險二則減洪湖之水以保高堰三則涵淮套高於張福口一丈八尺建瓴之勢亦可刷黃濟運總河張鵬翮據以上

聞卽遣光啟齎奏

上諭總督阿山總漕桑格總河張鵬翮江撫於準安撫劉光美會勘

金鑑

行水

督臣阿山等僉議自泗州涵淮套開河築隄分洩淮水至張福口會出清口奉

旨依議

行水金鑑

四十六年二月二十三日總河張鵬翮以自陳認罪事具奏二

十八日奉

旨黃淮兩河關係運道民生總河身任河責必勿憚煩勞時親勘閱將應修應築之處斟酌合宜又能任用得人斯爲稱職張鵬翮聽信罷斥小人徐光啟議開溜淮套河竟不親加審勘輒稱奏此河開浚有益所立開河標幟至毀壞民間墳冢民廬又地勢甚高雖開浚成河亦不能水出清口徒滋生事擾民張鵬翮請開此河輕舉妄動大負職掌九卿詹事科道將張鵬翮竝前會題請開溜淮套督撫等俱嚴加議處具奏三月初十日九卿詹事科道議奏奉

旨阿山著革職張鵬翮著革去所加宮保桑格著降五級劉光美於準

著降三級俱從寬畱任餘依議

行水金鑑

雍正六年七月初二日

諭據河道總督齊蘇勒奏稱改修山盱滾水壩三座卽令河兵將沿河舊存廢石運用不須另動錢糧今工程俱已告竣等語此皆齊蘇勒平日實心任事倡率屬員而白鍾山又能遵其教令核實辦理甚屬可嘉若以從前之總河官員處此不知又冒開多少工費矣白鍾山著交部議敘

江南通志

乾隆二十三年議淮安安徽濰河洪河於冬初水涸時查明應行挑濬工段勘估興修所需銀兩於江甯藩庫匣費項下每年動撥銀三千兩豫貯廬鳳道庫備用如有餘賸存爲下年之用儻有不敷如數找領或水過未淤有藉端糜費捏報冒濫等弊嚴行參處

會典

道光五年二月淮河流淺巡撫陶澍奏導鳳陽花源湖壽州城

西湖鳳臺焦岡湖入於淮又鑿懷遠之葫蘆繫開引河數道俾
茨河口門暢流奉

硃批所辦好務要認真查驗另有旨諭欽此

三月十七日奉

上諭陶澍奏籌辦淮河情形一摺洪澤湖藉淮敵黃自應多方導引以
資收蓄經該撫勘明各處情形除壽州境城西湖鳳臺縣境焦岡湖
兩處抽溝係該民人自辦毋庸另籌經費外惟鳳陽縣境花源湖民
多窮乏勢難捐辦著准其將道庫舊存水利平餘閒款內提銀二千
兩交鳳陽縣剋期興辦又懷遠縣荆山口南新漲沙洲葫蘆繫須再
開引河數道著准其在司庫積存宿靈抽溝利息內提銀一千二百
兩交懷遠縣趕緊疏挑該兩處動用工費均非正項錢糧工竣由道
驗收毋庸造冊報銷該撫務須認真查驗如有草率偷減卽行參辦

毋稍徇隱該部知道欽此

附陶澍疏略

臣前月入覲

天顏仰

論回皖時順道查驗等因臣於
盛鳳道戴聰詢悉前此洪湖直瀉
於正月內率同厚陽府程懷璋及各
士臣孫玉庭劉勛疏瀾沿淮各湖
河正身現已流通船行無滯惟洪澤
收蓄敵黃自應多方導引以助其勢
境之花源湖壽州境之城西湖鳳臺
引導入淮此三湖皆周圍數十里本
湖焦岡兩湖兩處抽水約需經費數
毋庸另籌經費惟鳳陽縣境之花源
辦查得道庫有舊存水利平餘銀兩
用擬提用銀二千兩交鳳陽縣刻期
南因嘉慶年間黃河南潰新漲沙洲
餘里阻遏茨河淮水自西南而北繞
勢倒漾為上游各州縣之患前經抽
道將葫蘆蘆繫壘斷俾茨河口門通
需工費查司庫有積存病賑抽溝利
百兩交懷遠縣趕緊疏浚以上花源
無多均非正項錢糧應俟事竣由
道驗收毋庸造冊報銷以歸簡捷

陶澍又奏淮河洪澤湖壅滯情形籌辦築隄束水俾清流暢入

湖心以敵黃水以衛民田奉

硃批興水利除水患莫大之善政也總要督率認真勸導有方固不可

徒費周章亦不可始勤終怠詳慎勉之欽此附疏略臣查淮水為洪

豫省相柏縣流經固始入安徽阜陽境至霍邱縣之濉子口而南納潁水至潁上縣之八里塚而北納潁水地勢建瓴向無阻滯迨壽州之正陽關以達懷遠至鳳陽之蚌埠一帶河流曲折時東時北以次納東泥西泥齊溝黑濠洛兩及沂河茨河天柯之荆塗山重鎗柳淮流其間水勢本屬紆回自嘉慶年間開黃河南淤夾帶泥沙淮流淤墊成高以致左右收納各水不能暢入節節壅滯迴濶成湖不一而足臣此次履勘親登塗山絕頂復登壽州城北之八公山數百里長河支汊瞭然在目此時春水方生勢已瀾漫一交伏汛每汪洋一片橫溢民田歲歲偏災耗費帑項自應設法補救以奠災區惟查洪澤一湖近年因啟放河流其西岸已多淤灘若將淮水疏刷不特水深泥滑之處難以興工兼恐泥沙直下更益洪湖之患祇有築隄束水俾清流暢入湖心既可蓄以敵黃而於兩岸民田即可藉隄保衛但經費浩大無從籌措必須地方官實心實力為民信服者隨時督勸百姓設法辦理日計不足月計有餘自可漸著成效查現在各州縣中已有數處勸民修築隄防開通溝洫俟辦竣時據實奏請

恩獎以資鼓勵此壽州之芍陂懷遠之郭

陂塘等處皆水利最鉅之區日久蕪廢臣
督率各屬次第整理以興民利合併附陳